



HEinricus de Langenstein, dictus de Hassia, literarum amore Lutetiã profectus est, ubi etiam solerti studio lauream Doctoratus promeruit. Erat is in diuinis scripturis & humana philosophia doctissimus, præterea foelicissimo ingenio præditus. Contigit autem ut eo tempore circiter annum Domini 1390 Albertus Austriæ dux, Cæsaris Alberti secundi pater, Vuiennensem Academiam fundarit. Tum enim studia in monasterijs refrixerant, atque, si quæ remanserant, intricatis quæstionibus & friuolis argumentis erant conspurcata. Optime artes cum antiquis autoribus in puluere iacebãt, atque plateis & tineis relinquebãtur. Itaque Heinrichus ille

Vuiennam uocatus fuit, ut nouam ibi Academiam plãtaret, & suis professionibus decoraret. Ibi Genesim explicare, atque suã lectionẽ per multos annos continuauit. Erat autẽ adeo copiosus, & ad oẽs occurrẽtes quæstiones prõptus, ut uix multis annis ad quartũ caput libri perueniens, totidẽ uolumina cõplerit.